

Visoki predstavnik se sastao s predsjednicom Ustavnog suda BiH



Visoki predstavnik Valentin Inzko danas je na sastanku s predsjednicom Suda Valerijom Galić u Sarajevu iskazao svoju punu podršku radu Ustavnog suda BiH, ključne državne institucije koja je osnovana prema Daytonskom mirovnom sporazumu.

Visoki predstavnik je izrazio svoju zabrinutost praksom neizvršavanja odluka Ustavnog suda. “Neizvršavanje odluka Ustavnog suda – koje su konačne i obavezujuće – predstavlja kršenje ključne odredbe Daytonskog mirovnog sporazuma i krivično djelo prema Krivičnom zakonu BiH”, rekao je Inzko.

Međunarodna zajednica je u više navrata podsjetila vlasti na njihovu ustavnu obavezu da provode sve odluke ustavnih sudova, uključujući saopštenje sa zadnje sjednice Upravnog odbora Vijeća za provedbu mira iz maja 2013. godine. “Neprihvatljivo je da odluke Ustavnog suda još uvijek čekaju izvršenje”, rekao je visoki predstavnik.

Visoki predstavnik ohrabruje nadležne vlasti BiH da osiguraju adekvatna sredstva neophodna za izvršavanje svih funkcija Ustavnog suda i ostvarivanje financijske nezavisnosti suda, posebno u svjetlu dugogodišnjeg povećanog priliva predmeta iz apelacione nadležnosti ovog suda.

Poštivanje vladavine zakona i Daytonskog sporazuma, pogotovo ustavnog okvira BiH, preduslov je za dugoročnu stabilnost u

Bosni i Hercegovini. "Sud je u velikoj mjeri doprinio implementaciji Daytonskog mirovnog sporazuma i njegova uloga se mora poštovati", zaključio je visoki predstavnik.